

30 ապրիլի 2020 թվականի N 644 - Լ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ ՄԻ ՇԱՐՔ
ՈՐՈՇՈՒՄՆԵՐՈՒՄ ՓՈՓՈԽՈՒԹՅՈՒՆՆԵՐ ԿԱՏԱՐԵԼՈՒ ՄԱՍԻՆ

Ղեկավարվելով «Նորմատիվ իրավական ակտերի մասին» Հայաստանի Հանրապետության օրենքի 34-րդ հոդվածով՝ Հայաստանի Հանրապետության կառավարությունը **ո ր ո շ ու մ է.**

1. Հայաստանի Հանրապետության կառավարության 2020 թվականի մարտի 26-ի «Կորոնավիրուսի տնտեսական հետևանքների չեզոքացման երկրորդ միջոցառումը հաստատելու մասին» N 356-Լ որոշման հավելվածում կատարել հետևյալ փոփոխությունները՝

1) հավելվածի 3-րդ կետը շարադրել հետևյալ խմբագրությամբ.

«3. Սույն միջոցառման իմնաստով տնտեսավարող է համարվում Հայաստանի Հանրապետության տարածքում գյուղատնտեսության ոլորտում գործունեություն իրականացնող ֆիզիկական անձը, ով բավարարում է սույն կետի առաջին ենթակետի՝ բարվոք վարկային պատմության պահանջներին, ինչպես նաև այն իրավաբանական անձը կամ անհատ ձեռնարկատերը, որը՝

1) ունի բարվոք վարկային պատմություն, այսինքն՝ ըստ ԱԲՐԱ տեղեկատվության՝ վարկի համար դիմելու անսաթվին նախորդող 12 ամիսների ընթացքում չի ունեցել գումարային 30 օր և ավելի ժամկետով ժամկետանց վարկային պարտավորություններ.

2) ունեցել է բարվոք հարկային պատմություն (բացառությամբ՝ մինչև 365 օրվա զրանցում ունեցող գյուղատնտեսական կոոպերատիվների), այսինքն՝

ա. դիմումի ներկայացման օրվան նախորդող 365 օրերի ընթացքում չկատարված հարկային պարտավորությունները գանձելու վերաբերյալ վարչական վարույթ հարուցված չէ, կամ

բ. դիմումը ներկայացնելու օրը 2019 թվականի դեկտեմբերի 31-ի դրությամբ առկա ժամկետանց հարկային պարտավորությունները չեն գերազանցել 2019 թվականի ընթացքում միասնական գանձապետական հաշվից մարված հարկային պարտավորությունների, 2019 թվականի ընթացքում վճարված պետական տուրքի գումարների և 2019 թվականի դեկտեմբերի 31-ի դրությամբ միասնական գանձապետական հաշվի մնացորդի հանրագումարի 1 տոկոսը:».

2) հավելվածի NN 1 և 2 աղյուսակների 1-ին տողի 3-րդ սյունակը շարադրել հետևյալ խմբագրությամբ.

«• վարկի գումար՝ 3-15 մլն դրամ, ոչխարաբուծության և այծաբուծության զարգացման և ավանդական այգու հիմնման համար՝ 3-30 մլն դրամ, տավարաբուծության զարգացման համար՝ 3-50 մլն դրամ,

- վարկի մարման ժամկետը՝ մինչև 5 տարի, ավանդական այգու հիմնման դեպքում՝ մինչև 7 տարի,

- վարկի մայր գումարի արտոնյալ ժամկետը՝ մինչև 12 ամիս, ավանդական այգու հիմնման դեպքում՝ մինչև 4 տարի».

3) հավելվածի N 4 աղյուսակը շարադրել հետևյալ խմբագրությամբ.

Տնտեսավարողներին (բացառությամբ գյուղատնտեսական կոոպերատիվների) վարկի/լիզինգի տրամադրման պայմանները

	Վարկի նպատակը	Հիմնական պայմանները	Տոկոսադրույքը*	Համաֆինանսավորում/ համապարտություն
1.	Գյուղատնտեսական տեխնիկայի լիզինգ	<ul style="list-style-type: none"> · 20% կանխավճար, · լիզինգի առարկաների ընդհանուր գումարը՝ մինչև 200 մլն դրամ, · մարման ժամկետը՝ 3- 10 տարի, · մայր գումարի արտոնյալ ժամկետը՝ տարեկան մինչև 6 ամիս: 	0%	10% կանխավճարի, բայց ոչ ավելի, քան 10 մլն դրամը
2.	Ագրոպարենային ոլորտի սարքավորումների (այդ թվում՝ ջերմատների, սառնարանային և գյուղատնտեսական նշանակության պահեստային տնտեսությունների, մոդուլային սպանդանոցների) լիզինգ	<ul style="list-style-type: none"> · 20% կանխավճար, · լիզինգի առարկաների արժեքների հանրագումարը՝ մինչև 450 մլն դրամ, · մարման ժամկետը՝ մինչև 8 տարի, · մայր գումարի արտոնյալ ժամկետը՝ տարեկան մինչև 6 ամիս: 	0%	10% կանխավճարի, բայց ոչ ավելի, քան 10 մլն դրամը
3.	Տոհմային տավարաբուծության նպատակով տրամադրվող վարկ**	<ul style="list-style-type: none"> · վարկերի հանրագումարի մնացորդը՝ մինչև 300 մլն դրամ, · վարկի մարման ժամկետը՝ մինչև 5 տարի, · մայր գումարի արտոնյալ ժամկետը՝ մինչև 1 տարի: 	0%	30%
4.	Տոհմային ոչխարաբուծության և այծաբուծության նպատակով տրամադրվող վարկ	<ul style="list-style-type: none"> · վարկերի հանրագումարի մնացորդը՝ մինչև 900 մլն դրամ, · վարկի մարման ժամկետը՝ մինչև 4 տարի, · մայր գումարի արտոնյալ ժամկետը՝ մինչև 1 ամիս: 	0%	30%
5.	Ոչխարաբուծության և այծաբուծության նպատակով տրամադրվող վարկ***	<ul style="list-style-type: none"> · վարկի գումարը՝ 3-30 մլն դրամ, · վարկի մարման ժամկետը՝ մինչև 5 տարի, · մայր գումարի արտոնյալ ժամկետը՝ մինչև 12 ամիս: 	0%	30%

6.	Խոզարուծության և թռչնա- րուծության նպատակով տրամադրվող վարկ***	<ul style="list-style-type: none"> · վարկի գումարը՝ 3-15 մլն դրամ, · վարկի մարման ժամկետը՝ մինչև 3 տարի · մայր գումարի արտոնյալ ժամկետը՝ մինչև 12 ամիս 	0%	30%
----	--	---	----	-----

* Պայմանով, որ բանկի փաստացի տոկոսադրույքը չի կարող գերազանցել դրամով 14 %, իսկ արտարժույթով՝ 9 %:

**Համաֆինանսավորումը կտրամադրվի ձեռք բերված տոհմային ԽԵԿ-ի համար տնտեսավարողի անասնաշենքում անկապ բոքսային պահվածք և Հայաստանի Հանրապետության կառավարության 2019 թվականի ապրիլի 4-ի N 369-Լ որոշմամբ հաստատված «Փոքր և միջին «Խելացի» անասնաշենքերի կառուցման կամ վերակառուցման և դրանց տեխնոլոգիական ապահովման պետական աջակցության ծրագրով» սահմանված չափորոշիչներին համապատասխան պահման պայմաններ ու անասնաշենքին համապատասխան գլխաքանակ ապահովելու դեպքում: Նշվածի վերաբերյալ եզրակացություն կտրամադրվի Հայաստանի Հանրապետության էկոնոմիկայի նախարարության կողմից սահմանված կարգով:

***Համաֆինանսավորումը կտրամադրվի միայն ֆիզիկական անձանց:»:

2. Հայաստանի Հանրապետության կառավարության 2020 թվականի մարտի 31-ի «Կորոնավիրուսի տնտեսական հետևանքների չեզոքացման առաջին, երկրորդ և երրորդ միջոցառումների շրջանակում տրամադրվող օժանդակության գործիքների կիրառման կարգերը հաստատելու մասին» N 416-Լ որոշման N 2 հավելվածի 2-րդ կետը շարադրել հետևյալ խմբագրությամբ.

«2. Սույն հավելվածում «տնտեսավարող» եզրույթն օգտագործվում է միջոցառման մեջ կիրառված իմաստով:»:

3. Սույն որոշումն ուժի մեջ է մտնում հրապարակվելուց հետո՝ անմիջապես:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ
2020 թ.
Երևան

Ն. ՓՈՇԻՆՅԱՆ